

*Ka jingrakhe ia ka jingdap 50 snem ka Jylla Meghalaya*



# Ka Webinar



**Halor Ka Phang :**

**“Ka Jaitbynriew Hynñiew Trep ha Ka Jingiaid Lynti ba 50 Snem”**

**La pynlong da  
Ka Khasi Department  
ryngkat ka jingiatreilang bad  
Ka IQAC, Shillong College**

**Kongsan – Bah Pyniaid Sing Syiem, M.L.A**

**“Ka jaitbynriew ba tip la ka mynnor ka dei ka jaitbynriew kaba iöhi jngai”**

**Tarik: 9 & 10 tarik Nohprah, 2021  
Por:10:00 A.M**

**Jaka: Conference Hall,  
Shillong College**

Register here: <https://forms.gle/5oVijQsDnykviFGX7>  
Video call link: <https://meet.google.com/izc-czxa-qaa>

**Live Stream**

<https://stream.meet.google.com/stream/9387ddce-cf38-4119-ba83-0d28e05f6292>

Username: [live@shillongcollege.ac.in](mailto:live@shillongcollege.ac.in)

Password : [live@123](#)

## **Ka Kaiphot (Report) halor ka Webinar**

### **Ka Jaitbynriew Hynñiew Trep ha ka jingïaid lynti ba 50 Snem**

Ha shuwa ban ai ïa ka kaiphot halor ka Webinar, nyingkong eh la sngew dei ban buh hangne ïa ka sengkhan soi lynti (Concept Notes) khnang ban sngewthuh ïa ka sohpdung jong ka jingthmu ka Department bad kumjuh ruh jong ka IQAC Shillong College hi baroh kawei.

#### **KA SENKCHAN SOI LYNTI (CONCEPT NOTES) JONG KA WEBINAR BA LA PYNLONG DA KA DEPARTMENT KHASI RYNGKAT KA JINGÏATREI LANG BAD KA IQAC, SHILLONG COLLEGE**

#### **KA PHANG: “Ka Jaitbynriew Hynñiew Trep ha ka Jingïaid lynti ba 50 snem”**

Ka jylla Meghalaya ka dei ka jylla ba la shong la sah da ka jaitbynriew Hynñiew Trep bad ki Garo. Kane ka jylla ka la ïoh ïa la ka jong ka jylla bapura ha ka 21 tarik Kyllalyngkot, 1972, shen kan sa kynjoh sha u mawmer ba kham kyrpang, kata ka jingdap Sanphew snem ha ka jingïaid lynti jong ka. Sanphew tylli ki snem ki la tyllun bad ka la dei ban kynjoh bad jam sha ka rta ka samoi jong ka Jubili Ksiar. Kumta kan long kaba dei eh lehse ban ïa kyrtiang biang shadien bad khmied de sha khmat ïa kiei kiei kiba ka jylla ka la mad bad kan sa mad.

Ha kaba ïadei bad katei ka jinglam jingmut, kata ïa ka jingdap Sanphew snem jong ka jylla; ka Department Khasi ryngkat ka jingïatrei lang bad ka IQAC jong ka Shillong College ka la pyrkhath bad sngewdei ba la kumno kumno donkam ban ïatai ïathir ïa ki mat ki jura kiba ka Jaitbynriew ka donkam. Kumta la jied ïa ka phang kaba long “Ka Jaitbynriew Hynñiew Trep ha ka Jingïaid Lynti ba Sanphew snem”.

Namar ka jingïar palat jong ka phang ka Department ka sngewthuh ba yn peit kyrpang shuwa ïa ka jingïadei ha la ka Jaitbynriew. Khlem artatien lyngba kine ki snem kiba la leit ka ri bad ka jaitbynriew ka la ïaid ïa ki lynti bajem bad basuk khlem pep ruh ka la mad ïa ki jingïaid lynti ba eh bad bakyllaiñ. Khlem artatien ruh ka jaitbynriew ka la nang kiew ha ka pule puthi, ka ïoh ka kot, ka khaiï pateng bad kiwei kiwei. Haba kren kyllum ka long ba ka la kham kiew bad roi bunshah ban ïa ki sanphew snem kiba la leit noh mynshuwa.

Hynrei ym lah ruh ban len pat ba ki don ruh ki mat kiba dang sahkut, kum ka kam ïapynbeit ïa u pud u sam bad ka Sorkar Assam, ka jingangnud ban pynrung ïa ka Ktien Khasi ha ka Khyrmit kaba Phra bad kiwei kiwei de. Nalor ki mat kiba dang sah pongding ki don ruh kiwei pat ki mat kiba wanrah ïa ka jingkylla. Ki don ki jingkylla kiba ïaid ryngkat bad ka por bad kim da ktah hynrei ki don pat ki jingkylla kiba pyni ïa ki dak ki shin bym idon jingkyrmen. Kum kita lehse kaba paw kum ka jingsyntuid noh ha ka kam synshar khadar, ka jingshong syier jong ki nongshong shnong ha khappud, ka jingkyrrei jong ki jingsniew bapher ha ka imlang sahleng bad kiwei kiwei.

## **Ka Jingthmu**

Ka jingthmu bad ka thong jong kane ka Webinar ka long ba lyngba ka jingnoh synñiang jong ki riewstad bad ki riewshemphang ia ka jingtip jong ki yn lah ban iöhi ia ka dur kaba kham bniah ia ka jingroi jingsan jong ka jaitbynriew lyngba ki por ba la dep. Khlempep kiba dang kham hadien kin ym tip kumno ba ka jaitbynriew ka la iaaid lynti ha kine ki 50 snem. Lyngba kane ka Webinar yn lah ban iöhi bad sngewthuh ia ka histori jong ka Jaitbynriew la ka long ha ka synshar khadar, imlang sahlang, ka iöh ka kot, ki jingangnud ba dang sahteng bad kiwei kiwei. Nangta ban iaathew iaadok pylla ia ki jingduna kiba dei ban pynbeit bad kumjuh ruh ban maitphang de ia ki sienjam kiba ka jaitbynriew ka dei ban shim ha ki por ki ban wan. Da kumta lehse ngin iöh ka lad ban khmih iit bad sngewthuh ia lade haei ka jaitbynriew ka don, bad nangne shakhmat pat kumno kum ka jaitbynriew ka dei ban leh bad ban iaaid.

Sa kawei pat ka jingthmu jong kane ka Webinar ka long ba ia ki jingthoh (paper) jong ki Riewshemphang baroh yn lum bad pynmih ha ka dur jong ka kot, khnang ba ki khun ka ri baroh kin iöh jingmyntoi bad kan long ruh ka jingkyrkhu ia ka pateng ka ban wan.

## **Ka Thong ki Nongsngap (Target Group)**

Ha kaba iaidei bad ki nongiasim bynta (participants) la thmu ban khot ia baroh ki Nonghikai Khasi ha ki College jong ka jylla, ki dkhot ka Khasi Author's Society, Ki Khlieh Nongsynshar Shnong, Ka Synjuk Ki Rangbah Shnong, ki dkhot ka MCTA, ki samla pule bad ki dkhot na ki seng bhalang (NGO) bapher bapher. Yn ai jingpyntip paibah ruh khnang ba kino kino kiba kwah kin iöhlad ban iaashim bynta.

Kane harum ka dei ka Kaiphot jong ka Webinar:

**Ka jingsdang:** Nyngkong eh na ka liang ka Khasi Department Shillong College, ka ai khublei ia ka IQAC, ICT Department kiba la iaatrei shitrhem halor ki kam ba la bynshet ha ki. Naduh basdang haduh kaba kut ka Prokram ka long kaba iaaid beit iaaid ryntih. Ngi ai khublei ruh ia I Principal jong ngi iba long I nongai buit ai bor ia ka Department ba kan pynlong ia katei ka Prokram.

Ka jingialang plie jong ka Webinar kata ha ka 9-12-2021 ka la long lyngba ka online bad ka Offline ha ka por 10:20 -11:30 mynstep,u Kongsan uba la wan ban kyrkhu kyrdoh u dei u bah Pyniaid Sing Syiem u M.L.A ka Mawryngkneng Constituency. Ha kaba nyngkong eh la iöh ia ka jingkren pdiang na I Dr. A Nongbri iba dei I Head jong ka Department Khasi. Nangta la iöh ia ka jingkren lyngkot na I principal ka College iba long I Shongknor ha kaba i la ai ia ki kyntien pynshlur halor kane ka prokram ba la pynbeit da ka Department.

Ka jingkren kaba kyrpang bad kaba long kyllum halor ka Webinar la ai da I Prof. L.S Gassah iba la kdew ia ka jingiaid lynti jong ka jaitbynriew naduh ba iöh ia ka jinglailuid haduh ba ngin da iöh ia la ka jong ka jylla bapura.

Na ka liang u kongsan haba ai jingkren u la pynpaw ka jingsngew kmen ba u lah ban iadon ryngkat ha kane ka prokram kaba long shi bynta kum ka jingrakhe ia ka jingdap sanpnew snem jong ka Jylla Meghalaya.

Ha ka jingkren jong u kongsan u la sdang da kaba sot na ki lai tylli ki maw khrum jong ka jinghikai shong tynrai jong ka jaitbynriew, kata ka Tip briew Tip Blei, Tip kur Tip kha bad kamai ia ka Hok. U kongsan u iai ban ba kum ka jaitbynriew ngim dei ban iaid lait ne kyndat sharud ia kine ki nongrim bashong sbai jong u Longshuwa. Nangta u la pynpaw ruh ka jingsngewnguh ia ki riw rangbah kiba la aiti iade na ka bynta ban pynioh ia la ka jong ka jylla.

U kongsan u khot u wer ia iwei pa iwei ban iatylli khnang ban wanrah ia ka jingshong suk shong shngaiñ bad ka roi ka kiew. Hadien ba la kut ka jingkren, u Kongsan u la plie pyrda ia Webinar da ki kyntien kyrkhu kyrdoh.

La ioh ruh ia ki kyntien ai khublei na u Babu Sojol.

Ia ka sien shong banynkong jong kane ka Webinar la sdang ha ka por 12:00 baje bad la pyniaid da u Babu S. Kharrymba. Ki riwshemphang kiba la ai jingkren ha kane ka sien ki long Dr. B.R Kharlukhi iba la wan da ka Offline bad I bah Toki Blah ba la leh da ka Online.

I Dr. B.R Kharlukhi I la ai jingkren halor ka Phang, “Ka Bynta jong ka Sixth Schedule kum ka stieh ka jaitbyniew hapoh ki 50 snem.” I Dr Kharlukhi I la kren naduh ka por ka Federation of Khasi State bad ka Federated State of Khasi Jaiñtia. Kumno kine ki ar tylli ki kynhun ki don ka jingiapher jingmut kawei ia kawei pat. Lah ban ong ba ka jingioh ia ka Sixth Schedule ka dei ka jingtrei sah kynmaw jong Rev. J.J.M Nichol Roy uba long uwei na ki member jong constituent Assembly kaba long ka nongsaiñdur ban shna ia ka Riti Synshar ka Ri India.

Nangta I Bah Toki pat I ai jingkren halor ka phang “**Ki Soh jingioh mad hapoh ki 50 snem, sa kaei ngi khmih lynti nangne sha khmat.**” I Bah Toki ha ka jingkren jong I, I la takraiñ tynggeh hakaba iadei bad ki nongmihkhmat (M.LA) . Ka jingkit khlieh ki 36 ngut ki nongmih khmat ia la ka kamram ka wanrah ruh ia ka jingkieu ne jinghiar jong ka jylla hapoh ki 50 snem.

I la kdew ruh ba ka roi ka kiew jong ka jylla la ju pynshongnia na ki lai tylli ki bynta, ka Synshar khaddar, ka Imlang Sahlang bad ka Ioh ka kot. Lada baroh lai kine kim iasan lang hangno pat ngin khmih lynti ia ka lawei ki pateng kaba don jingkyrmen.

Ha ka sien shong -2 la pyniaid da u Babu P.R Shabong bad la ioh ia ka jingkren na ki lai ngut ki riw shemphang kata I Rev (Dr) O.L Snaitang, Prof. D.R.L Nonglait bad Rangbah Ardent Basaiawmoit.

Ha ka jingkren banyngkong I pastor Snaitang I la kren halor U Pud u sam ka Ri khasi – Jaiñtia jong ka mynnor bad ka mynta: Ka jingpynshongdor na ka jingdap 50 snem ka jylla

Meghalaya. Ki don shibun ki mat ba I la kdew hynrei katto katne na kita ki dei kine. (1) ka jaka ki khasi mynnor katkum ka jing'iathuh khana pateng ka dei shaduh Lum ka Meikha (Kamakhya) bad Shillot (Bangladesh). Baroh kitei ki jaka ngi la duh noh. Nangta kaba (2) ka mat ka long ka jingduh jong ngi ki khasi ia la ki jaka puta ka dei ka jingbym sngew trai. Kane ka dei ka jingailad ba kiwei kin jer kyrteng ha la ka jong ka ktien ia ki jaka jong ngi. Nangta kaba (3) Ka jing'iapher ha ka kolshor, ki rukom bat khyndew bad ka jingbymdon ka thoh ka tar.

Namar ka jing'iapher ha ka kolshor ka la pynlong ia ngi ban duhnong bad pynlong pat ia kiba na shabar ban ioh kabu. Ym tang katta sa ka durtur bat khyndew ruh la iapher khasi u pnar, u bhoi u war. Nangta ka jingbymdon ka thoh ka tar ka dei sa kawei pat ka jingduhnong jong ngi ha kaba ngim lah ban pynsakhi ha khmat ka aiñ ia la ka jinglongtra. Kumta ban kam trai ngim dei ban ang tang ka tyngam hynrei ki dulir ki dei ban ksan.

Katba U Prof. D.R L Nonglait pat haba ai jingkren halor ka phang "Ka jingroi ki skul naduh Lower Primary, Higher Secondary, ki College bad ki University" I la kdew bniah katba lah ia ka jingmih ki skul Lower Primary ha ki rukom ki bapher bapher. Nangta sa ki Upper Primary, Ki Secondary bad ki College ha ki kyrdan (Category) ba iapher. Kine ki kynthup naduh kiba pyniaid da ki riew shimet, kiba ioh Adhoc grant, Semi Government bad Government. Shuh shuh ki College ruh ki long kumjuh. La ki shlem jinghikai ki la bun hynrei ki don pat hapdeng ki jingduna bad ki jingeh. Mynta ka sorkar kam ai jingiarap shuh ia ki skul L.P kumba long ka ki p or mynshuwa. Kumjuh ruh ka rukom thung ia ki nonghikai kam long katkum ka jingbun ki khyannah. Don shibun ki jingduna ba la pynpaw ha ka jingkren.

Haba phai pat sha ka jingkren u bah Ardent M. Basaiawmoit halor ka phang "Ki Seng bhalang (Pressure Group bad u Synñiang jong ki hapoh ki 50 snem ka Jylla," une u rangbah kum uwei na ki nongialam barim jong ka FKJGP u la pyni katto katne u Synñiang ba ki Seng bhalang ki la trei. U la pynkynmaw ba dei ka seng jong u ha kato ka por kaba la iakhun ba ka sorkar kan pynmih ia ka 3 Battalion. Nangta ka la trei borbah ruh ban pynkhlañ ia ka ioh ka kot ki trai muluk.

Une u rangbah u pyni ruh ba ki Pressure Group ki long kum ki nongpeit pyrman. Nangta laphrang ruh ia kiban long ki nongialam bad ki nongmihkhmat paidbah. Hynrei u maham ruh ba ka jingmih bun palat ki Sengbhalang ka la pynkulmar jingmut ia ki Paidbah ha kaba tang 4 ne 5 ngut ki la iathaw.

Ha ka sngi kaba Ar la ioh lai ngut ki nongkren, kata I Kong M.P.R Lyngdoh, Bah John F. Kharshiing bad Dr. Fabian Lyngdoh. Kine baroh lai ngut ki la wan da ka Offline sha Kolej.

Ha ka Sien Shong Banyngkong la pyniaid da I Kong B. Syiemlieh ha kaba I Dr. M.P.R Lyngdoh bad Bah John ki la ai jingkren. Nyngkong eh I Kong M.P. R Lyngdoh I la ai jingkren halor ka Phang " Ki Kynthei .....

I Nongkren ha kaba sdang I la kdew katto katne ia ka histori bad u synñiang jong ki kynthei hapoh ka ri India bad ka jaitbynriew Khasi. Ka Lakshmi Pandit, ka dei kawei na ki nongmihkhmat ba paw jong ka India. La pynkynmaw ia ki nongsngap ba riwialeh ha kito ki por ha shuwa ban ioh ia ka jinglailuid ki la pyndonkam da ka jingiaxhah bajai jai (Non-Violent Movement).

Ha shuwa ba ngin ioh la ka jong ka jylla Meghalaya hangne ruh la pyndonkam da ka juh ka lynti kata ban pynlong da ki jingiaiaid paidbah. Nyngkong eh ha ka snem 1970 la ai ha ngi tang da ka Autonomous State. Hynrei hadien ka jingiaxhah ba khlem shongthait la ai syndon ha kasnem 1972 da ka State ba pura. Katto katne ngut na ki kynthei khasi kiba la noh synñiang sha ka jaitbynriew kata kum ki nongmihkhmat paidbah bad ki nongtreikam sorkar ki long:

Kong Roshan Warjri (MLA), Kong Ampareen(MLA), Kong Agatha Sangma(MP Lok Sabha) Kong Wansuk Syiem (MP, Rajya Sabha) Kong Magret Mawlong (ACS) bad kiwei.

Katba I bah John F. Kharshiing pat I la ai jingkren halor ka phang “Ka Khasi State bad ka Sorkar Jylla: Ka jingpynshongia lyngba ki mat trei kam.” Une u rangbah u la ban bha halor ka bynta jong ka Instrument of Accession ba la iasoi hapdeng ki syiem Khasi bad ka sorkar India. Ha kane ka jingiasoi la iamynjur hapdeng ka Federation of Khasi State bad ka sorkar India halor ki katto katne ki bynta. Kata ban ai katto katne ka bor bishar bad synshar.

Ha ka sien shong kaba Khatduh la pyniaid da u Babu K.G Diengdoh bad la ai jingkren da I Dr.Fabian Lyngdoh halor ka phang “Ka Jinglong kawei hapdeng ka jingiapher: Haduh katto ka kolshor trai Ri ka shynna hapoh ki 50 snem.” Haba ai jingkren halor ka mat ba la kdew, I Dr. Fabian I la iathuh katto katne ka histori ka jingiaid lynti jong ka jaitbynriew Khasi naduh pdeng Asia haduh ba kin da poi ban buhai shnong ha u Lum Sohpetbneng. Nangta I la pynshai ruh ia ka rukom ai jait ki khasi kaba shim na ka kmie bad kaba iapher na kiwei pat ki jaitbynriew. Ha kaba iadei bad ka kyntien Hynñiewtrep i batai ba kane ka kyntien ka dei kaba iasnoh ha ka knia ka khriam namar bunsien u nongknia haba u knia u ju pynsnoh katkum ka rukom ne jingngeit u Hynñiewtrep.

U Nongpyniaid hadien ba la dep ka jingkren u la pynwai ia ka prokram ryngkat ka jingai khublei kitbok kitrwiang ia baroh ki riwshemphang bad ki nongishim bynta.

Register here:

<https://forms.gle/5oVijQsDnykviFGX7> Video

call link: <https://meet.google.com/izc-czxa-qaq>

Live Stream <https://stream.meet.google.com/stream/9387ddce-cf38-4119-ba83-0d28e05f6292>

Username: live@shillongcollege.ac.in Password : live@123